



**БҰЙРЫҚ**

**ПРИКАЗ**

2021ж. 7 сәуір № 2-02/153  
Павлодар қаласы

город Павлодар

**«Тәуелсіздік ұланы»  
сыйлықақысын беру туралы**

Түрлі салаларда ерекше қабілеттерін көрсеткен талантты және дарынды балаларды, сондай-ақ басқаларды құтқару үшін өз өмірін қатерге тіккен, қоғамдық маңызы бар, батыл іс-әрекеттер жасаған балаларды қолдау мақсатында **БҰЙЫРАМЫН:**

1. Тәуелсіздік күні – мемлекеттік мерекесі қарсаңында «Тәуелсіздік ұланы» біржолғы ақшалай сыйлықақыны (бұдан әрі – «Тәуелсіздік ұланы» сыйлықақысы) тапсыру бойынша іс-шара өткізілсін.
2. «Тәуелсіздік ұланы» сыйлықақы беру тәртібі туралы ереже бекітілсін (1-қосымша).
3. «Тәуелсіздік ұланы» сыйлықақысын беру жөніндегі облыстық конкурстық комиссия бекітілсін (2-қосымша).
4. Білім беру басқармасының экономика және стратегиялық даму бөлімі (А.Д. Аубакирова) аталған іс-шараны қаржыландыруды қамтамасыз етсін.
5. «Ертіс дарыны» өңірлік қосымша білім беру оқу-әдістемелік орталығы (А.Б. Шаймұрат) медаль мен төсбелгінің эскиздерін әзірлесін.
6. Ақпараттық технологиялар орталығы (А.Р. Керімбаев) онлайн дауыс беруді өткізу үшін веб-сайт құрсын.
7. «Тәуелсіздік ұланы» сыйлықақысын қаржыландыру «Ертіс дарыны» өңірлік қосымша білім беру оқу-әдістемелік орталығына мектеп олимпиадаларын, мектептен тыс іс-шаралар мен конкурстар өткізуге бөлінген қаражат шегінде жүзеге асырылсын.
8. Білім беру бөлімдерінің, білім беру ұйымдарының басшылары «Тәуелсіздік ұланы» сыйлықақысын беру үшін үміткерлерді іріктеудің сапалы жүргізілуін қамтамасыз етсін.
9. Осы бұйрықтың орындалуын бақылау білім беру басқармасы басшысының орынбасары Г. Башироваға жүктелсін.

Басқарма басшысы



Д. Болатханұлы

Таныстырылды \_\_\_\_\_

(қолы күні)

011195

№2-02/133

от 04.04.2022

## О присуждении премии «Тәуелсіздік ұланы»

В целях поддержки талантливых и одаренных детей, проявивших выдающиеся способности в различных областях, а также детей, совершивших общественно-значимые, отважные поступки, рискнувшие своей жизнью ради спасения других **ПРИКАЗЫВАЮ:**

1. Провести мероприятие по вручению единовременной денежной премии «Тәуелсіздік ұланы» (далее – Премия «Тәуелсіздік ұланы») накануне государственного праздника - Дня Независимости.

2. Утвердить положение о порядке присуждения Премии «Тәуелсіздік ұланы» (приложение 1).

3. Утвердить областную конкурсную комиссию по присуждению Премии «Тәуелсіздік ұланы» (приложение 2).

4. Отделу экономики и стратегического развития управления образования (Аубакирова А.Д.) обеспечить финансирование данного мероприятия.

5. Региональному учебно-методическому центру дополнительного образования «Ертіс дарыны» (Шаймұрат А.Б.) разработать эскизы медали и нагрудного значка.

6. Центру информационных технологий (Керимбаев А.Р.) создать веб-сайт для проведения онлайн голосования.

7. Финансирование Премии «Тәуелсіздік ұланы» осуществлять в пределах средств, выделенных региональному учебно-методическому центру дополнительного образования «Ертіс дарыны» на проведение школьных олимпиад, внешкольных мероприятий и конкурсов.

8. Руководителям отделов образования, организаций образования обеспечить качественное проведение отбора претендентов на присуждение Премии «Тәуелсіздік ұланы».

9. Контроль за исполнением данного приказа возложить на заместителя руководителя управления образования Г. Баширову.

Руководитель управления

Д. Болатханұлы

Ознакомлен(а)

(дата, подпись)



**Көрнекті қабілеттерін танытқан талантты және дарынды балаларға  
бір жолғы ақшалай сыйлықақы беру тәртібі туралы  
ЕРЕЖЕ**

**1. Жалпы ережелер**

**2.**

1.1 Осы Ереже көрнекті қабілеттерін танытқан талантты және дарынды балаларға бір жолғы ақшалай сыйлықақы беруге талапкерлерді іріктеу бойынша конкурстық комиссиясын құру мен жұмыс тәртібін белгілейді (бұдан әрі – «Тәуелсіздік ұланы» сыйлықақысы).

1.2 «Тәуелсіздік ұланы» сыйлықақысын талап ету қорытындылары мемлекеттік мереке – Тәуелсіздік күні қарсаңында шығарылады.

1.3 Талапкерлерді іріктеу жұмысын ұйымдастыру мен техникалық қамтамасыз ету мақсатында «Тәуелсіздік ұланы» сыйлықақысын беру бойынша облыстық конкурстық комиссия құрылады (бұдан әрі – Комиссия).

1.4 Комиссия құрамы Павлодар облысы білім беру басқармасының бұйрығымен бекітіледі.

**2. Облыстық конкурстық комиссияның өкілеттігі**

2.1 Комиссия құрамында 7 адамнан кем болмау керек, соның ішінде төраға, оның орынбасары, мүшелері, хатшы. Комиссия құрамы жылсайын Павлодар облысы білім беру басқармасының бұйрығымен бекітіледі.

2.2 Комиссия жұмысын төраға басқарады, ол болмаған жағдайда – орынбасары. Комиссия төрағасы жалпы басшылық етеді, жұмыс тәртібі мен кестесін белгілейді; отырыстар өткізеді. Комиссия мүшелері өз қызметін өтеусіз негізде атқарады.

2.3 Конкурстық комиссия отырыстары құрамының үштен екісі болған жағдайда құқылы болып саналады. Комиссия келесі функцияларды орындайды: «Тәуелсіздік ұланы» сыйлықақысының талапкерлері ұсынған құжаттаманың сараптамалық бағалауын жасайды, кандидаттар тізімін құрады, құжаттарды талдайды.

2.4 Құжаттардың сараптамасы кезінде Комиссия мүшесі талапкер ұйымында жұмыс істеген, көрнекті қабілеттерін танытып, тиісті ақшалай сыйлықақысының талапкерімен туыстық қатынаста немесе ғылыми жетекшілік, бірлескен авторлықта болған мүдделер қайшылығы жағдаятына жол берілмейді.

2.5 «Тәуелсіздік ұланы» сыйлықақысы Комиссия шешімінің негізінде беріледі.

2.6 Комиссия қабылдаған шешім хаттамамен рәсімделеді және облыс білім беру басқармасының бұйрығымен бекітіледі. Талапкерлер тізімі Павлодар облысының әкімдігімен келісіледі.

2.7 Комиссия шешімі қабылданған мерзімінен жеті күн аспай облыс білім беру басқармасының интернет-ресурсында орналастырылады.

2.8 «Тәуелсіздік ұланы» сыйлықақысымен қайтадан марапаттауға жол берілмейді.

### 3. Сыйлықақы кандидаттарын ұсыну тәртібі

3.1 «Тәуелсіздік ұланы» премиясын алуға үміткерлер соңғы үш жылдың ішінде облыстық, республикалық және халықаралық конкурстар, олимпиадалар мен сайыстардың жеңімпаздары мен жүлдегерлері болып табылады:

- Қазақстан Республикасы Білім және ғылым министрінің 2011 жылғы 7 желтоқсандағы «Жалпы білім беретін пәндер бойынша республикалық және халықаралық олимпиадалар мен ғылыми жобалар конкурстарының (ғылыми жарыстардың,) орындаушылар конкурстарының, кәсіби шеберлік конкурстарының және спорттық жарыстардың тізбесін бекіту туралы» № 514 бұйрығына;

- Қазақстан Республикасы Мәдениет және спорт министрлігінің Мәдениет және дене шынықтыру комитеті төрағасының м.а. 2020 жылғы 14 желтоқсандағы «2021 жылға арналған спорттық-бұқаралық іс-шаралардың бірыңғай республикалық күнтізбесін бекіту туралы» №380 бұйрығына;

- Қазақстан Республикасының Білім және ғылым вице-министрімен бекітілген республикалық спорттық-бұқаралық, дене шынықтыру-сауықтыру іс-шаралары және халықаралық сайыстардың күнтізбелік жоспарына;

- Қазақстан Республикасы Білім және ғылым министрлігімен бекітілген республикалық бюджет қаражаты есебінен өткізілетін республикалық маңызы бар мектептен тыс іс-шаралар тізбесіне (Қосымша білім берудің республикалық оқу-әдістемелік орталығының 2021 жылғы 21 ақпандағы №15-53/105 хаты) енгізілгендер;

- сондай-ақ аймақаралық және облыстық олимпиадалар, кәсіби шеберлік конкурстардың жүлдегерлері.

Мамандандырылған білім беру ұйымдарының оқушылары үшін тек республикалық және халықаралық деңгейдегі жетістіктер ескеріледі.

«Спорттық шеберлік» номинациясында тек республикалық және халықаралық деңгейдегі жетістіктер ескеріледі.

3.2 Қоғамдық-маңызды, батыл әрекет жасаған, өзге адамды құтқару үшін өз өміріне қауіп төндірген білім алушыларға «Тәуелсіздік ұланы» сыйлықақысы конкурстан тыс беріледі.

3.3 «Тәуелсіздік ұланы» сыйлықақысы жыл сайын келесі номинациялар бойынша беріледі:

- «Ғылыми-техникалық шығармашылық пен оқу-зерттеу қызметі» - 80 квота;

- «Кәсіби шеберлік» (техникалық және кәсіптік білім беру ұйымдары үшін) – 40 квота

- «Шығармашылық шеберлік» - 70 квота;

- «Спорттық шеберлік» - 70 квота;

- «Әлеуметтік маңызы бар және қоғамдық қызмет» - 40 квота.

3.4 Конкурс бірнеше кезеңде өткізіледі. Конкурсты ұйымдастыру мен өткізу үшін әр кезеңде сараптамалық (жұмыс) топтар құрылады.

I кезең – білім беру ұйымдарының деңгейінде.

Бұл кезеңде білім алушылар осы Ереженің 3.2 тармағына сәйкес білім беру ұйымдарының сараптамалық (жұмыс) топтарына қажетті материалдарды ұсынады. Сараптамалық (жұмыс) топтар ұсынылған материалдарды іріктеп, талапкерлердің Конкурстың келесі кезеңіне қатысуы туралы шешімін қабылдайтын білім беру ұйымының педагогикалық кеңесіне бекітуге ұсынады.

Конкурстың басталуы мерзімі 2021 жылдың 15 сәуірі.

I кезеңнің құжаттарын қабылдау мерзімі: ағымдағы күнтізбелік жылдың 18-23 қазан аралығы.

II кезең – қала және аудан деңгейінде.

Білім беру ұйымдары ұсынған материалдар қалалық және аудандық білім беру бөлімдерінің сараптамалық (жұмыс) топтарымен қаралады.

II кезеңнің құжаттарын қабылдау мерзімі: ағымдағы күнтізбелік жылдың 1-6 қараша аралығы.

Сонымен қатар, I және II кезеңдерін өткізу кезінде талапкерлер визитка форматында өздерінің видеороликтарын (1 минуттан көп емес). орналастырған веб-сайтта онлайн дауыс беру ұйымдастырылады. Дауыс беру нәтижелері I және II кезең қорытындыларын шығарған кезде есепке алынады.

Қалалық және аудандық білім беру бөлімдері, мамандандырылған, арнайы, техникалық және кәсіптік білім беру ұйымдары 2 қосымшаға сәйкес талапкерлер тізімін Комиссияның қарауына ағымдағы күнтізбелік жылғы 13 қарашаға дейін тапсырады.

III кезең (облыстық) – қорытынды.

III кезеңнің құжаттарын қабылдау мерзімі: ағымдағы күнтізбелік жылдың 15 қараша-3 желтоқсан аралығы.

Комиссияның қарауына келесі материалдар ұсынылады:

- Конкурстың қорытынды кезеңінің талапкерлер тізімін көрсетумен сараптамалық (жұмыс) топтары отырыстарының шешімі (үзінді көшірме);
- 4.1, 4.2 тармақтарына сәйкес ағымдағы күнтізбелік жылғы қызмет жетістіктерін (портфолио) растайтын құжаттар;

3.5. Конкурстық іріктеу әр номинация бойынша жеке өткізіледі. Егер бір немесе бірнеше номинацияда талапкерлер болмаса, «Тәуелсіздік ұланы» сыйлықақысы ұсынылған номинациялар арасында ең көп рейтингтік ұпай саны бойынша критерийлеріне сәйкес бөлінеді (1-қосымша).

3.6 Әр талапкер жетістіктері конкурстық комиссияның үш мүшесімен бағаланады.

3.7 Осы Ережеде көрсетілмеген жағдаяттар туындаған сәтте конкурстық комиссия шешімі алқалы қабылданады.

#### **4. Ұсынылатын материалдарға қойылатын талаптар**

**4.1** «Тәуелсіздік ұланы» сыйлықақысының талапкері келесі материалдарды тапсырады:

- белгіленген форма бойынша талапкер сауалнамасы (3-қосымша);
- мәлімделген номинация бойынша соңғы үш жылғы жетістіктерді дәлелдейтін құжаттар көшірмесі (дипломдар, грамоталар, алғыс хаттар, куәліктер, сертификаттар, БАҚ-тағы жарияланымдар және т.б.). Әр көшірме талапкерді ұсынған ұйым басшысының қолымен және мөрмен расталады;
- мәлімделген номинация бойынша Конкурс қатысушысының ерекше табыстарын растайтын өзге материалдар.

**4.2** Материалдар жеке мөлдір тысты папкада ұсынылады, әр құжат жеке файлда болу керек (құжаттардың екі жақты салынуына рұқсат беріледі).

**4.3** Талаптарға сай келмейтін материалдар Комиссия шешімімен қабылданбауы мүмкін. Конкурсқа белгіленген мерзімнен кеш және осы Ереженің 3.3-тармағында көрсетілген ілеспе құжаттарсыз жіберілген материалдар қаралмайды.

## **5. Конкурсты қаржыландыру**

**5.1** «Тәуелсіздік ұланы» сыйлықақысының иегерлері 300 білім алушы санында медальмен, төсбелгімен марапатталады және 50-еселі айлық есептік көрсеткіш мөлшерінде біржолғы сыйақы алады.

**5.2** Конкурс жергілікті бюджеттің қаражаты есебінен қаржыландырылады.

Көрнекті қабілеттерін танытқан талантты және дарынды балаларға ақшалай сыйлықақы беру және ынталандыруға кандидаттарды іріктеу бойынша конкурстық комиссия жұмысының тәртібі туралы Ережесіне  
1-қосымша

**«Тәуелсіздік ұланы» сыйлықақысының талапкерлерін бағалау критерийлері**

<b>р/с №</b>	<b>Критерий атауы</b>	<b>Максималды ұпай саны</b>
1.	<b>Талапкердің жетістіктері (әр шараны қосындылау):</b>	
1.1	Халықаралық олимпиадалар, конкурстар мен жарыстар жүлдегерлері: 1-орын 2-орын 3-орын	5 ұпай 4 ұпай 3 ұпай
1.2	Республикалық олимпиадалар, конкурстар мен жарыстар жүлдегерлері: 1-орын 2-орын 3-орын	4 ұпай 3 ұпай 2 ұпай
1.3	Аймақаралық және облыстық шаралардың (олимпиадалар, фестивальдер; конкурстар, жарыстар), кәсіби шеберлік конкурстарының жүлдегерлері: 1-орын 2-орын 3-орын	3 ұпай 2 ұпай 1 ұпай
2.	<b>Талапкердің әлеуметтік-маңызды және қоғамдық қызметі (әр шараны қосындылау)</b>	
2.1	Білім алушының көшбасшылық қасиеттері мен белсенді өмірлік ұстанымы: республикалық деңгей облыстық деңгей	4 ұпай 3 ұпай
2.2	Стартап-жобаларды әзірлеу мен ендіру	4 ұпай
3.	<b>Оқу жетістіктері</b>	
3.1	«үздік» «жақсы және үздік»	5 ұпай 4 ұпай

Көрнекті қабілеттерін танытқан талантты және дарынды балаларға ақшалай сыйлықақы беру және ынталандыруға кандидаттарды іріктеу бойынша конкурстық комиссия жұмысының тәртібі туралы Ережесіне  
2-қосымша

**«Тәуелсіздік ұланы» сыйлықақысы талапкерлерін бөлу құжаты**

<b>р/с №</b>	<b>Қала, аудан, білім беру ұйымының атауы</b>	<b>Талапкерлер саны</b>
1	Павлодар қ.	185
2	Екібастұз қ.	87
3	Ақсу қ.	42
4	Ақтоғай ауданы	8
5	Аққулы ауданы	8
6	Баянауыл ауданы	18
7	Железин ауданы	9
8	Ертіс ауданы	11
9	Май ауданы	7
10	Павлодар ауданы	16
11	Тереккөл ауданы	13
12	Успен ауданы	8
13	Шарбақты ауданы	12
14	Мамандандырылған білім беру ұйымдары	Әр ұйымнан 5 адамнан аспау керек
15	Аранайы білім беру ұйымдары	Әр ұйымнан 3 адамнан аспау керек
16	Техникалық және кәсіптік білім беру ұйымдары	Әр ұйымнан 3 адамнан аспау керек



Көрнекті қабілеттерін танытқан талантты және дарынды балаларға ақшалай сыйлықақы беру және ынталандыруға кандидаттарды іріктеу бойынша конкурстық комиссия жұмысының тәртібі туралы Ережесіне  
3-қосымша

**«Тәуелсіздік ұланы» сыйлықақысы талапкерлерінің сауалнамасы**

1. Талапкердің аты-жөні *(туу туралы куәлігіне немесе жеке куәлігіне сәйкес)*
2. Туған күні, айы, жылы
3. Мекендеу орны *(аудан/қала, елді мекен, мекен-жайы)*
4. Оқу орны *(білім беру ұйымының толық атауы)*
5. Сынып немесе топ
6. «Тәуелсіздік ұланы» сыйлықақысының номинациясы
7. Отбасының әлеуметтік жағдайы
8. Байланыс деректері *(телефон, e-mail)*